



Patriotske lige 30, Tel.++387 33 27 84 00; Fax.++387 33 20 01 58; E-mail: gfsa@gf.unsa.ba http://www.gf.unsa.ba

ID broj: 4200494560112

PDV broj: 2004944560007

Broj: 04-1-8-38-16/25

Datum: 21.11.2025. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama ("Sl. glasnik BiH", broj: 39/14, 59/22 i 50/24) i člana 115. Statuta Univerziteta u Sarajevu, na Preporuku Komisije za nabavku broj: 04-1-8-38-16/25 od 21.11.2025. godine, u postupku nabavke: Radovi na asfaltiranju površine ispred Instituta za geotehniku i geološko inženjerstvo, Dekan Univerziteta u Sarajevu – Građevinski fakultet je donio

ODLUKU

o izboru najpovoljnijeg ponuđača i dodjeli ugovora

Član 1.

Prihvata se preporuka Komisije za javne nabavke broj: 04-1-8-38-15/25 od 21.11.2025. godine i ugovor za javnu nabavku: Radovi na asfaltiranju površine ispred Instituta za geotehniku i geološko inženjerstvo, JRJN: 45233222-1, u skladu sa Odlukom Upravnog odbora o usvajanju Plana nabavki Univerziteta u Sarajevu za 2025. godinu, broj: 02-11-3/25 od 28.04.2025. godine, te Odlukom rektora o izmjeni i dopuni plana nabavki Univerziteta u Sarajevu za 2025. godinu, broj: 0101-7187/25 od 14.07.2025. godine, Radovi koje provodi Građevinski fakultet, Radovi 1 putem otvorenog postupka, dodjeljuje se ponuđaču "GP ING" D.O.O. Sarajevo u ukupnoj vrijednosti od 37.754,00 KM bez PDV-a, odnosno 44.172,18 KM s PDV-om, prema ponudi evidentiranoj kod ugovornog organa pod brojem: 04-1-8-38-8/25 od 12.11.2025. godine.

Član 2.

Izabrani ponuđač dužan je dostaviti dokaze o kvalificiranosti u roku od 5 (pet) od dana zaprimanja ove Odluke u skladu s tačkom 4. Tenderske dokumentacije broj 04-1-8-38-5/25 od 22.10.2025. godine.

U slučaju da izabrani ponuđač propusti dostaviti dokaze o kvalificiranosti u navedenom roku ili dostavi neprihvatljive dokaze, ova Odluka će se poništiti.

Član 3.

Ova Odluka će se objaviti na web stranici Univerziteta u Sarajevu – Građevinski fakultet, www.gf.unsa.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6).

Član 4.

Ova Odluka stupa na snagu danom donošenja.

Obrazloženje

Na osnovu Odluke o pokretanju postupka javne nabavke broj: 04-1-8-38-3/25 od 21.10.2025. godine, Univerzitet u Sarajevu – Građevinski fakultet je pokrenuo otvoreni postupak javne nabavke: Radovi na asfaltiranju površine ispred Instituta za geotehniku i geološko inženjerstvo, JRJN: 45233222-1, u skladu sa Odlukom Upravnog odbora o usvajanju Plana nabavki Univerziteta u Sarajevu za 2025. godinu, broj: 02-11-3/25 od 28.04.2025. godine, te Odlukom rektora o izmjeni i dopuni plana nabavki Univerziteta u Sarajevu za 2025. godinu, broj: 0101-7187/25 od 14.07.2025. godine, Radovi koje provodi Građevinski fakultet, Radovi 1 putem otvorenog postupka. Procijenjena vrijednost nabavke iznosi 44.000,00 KM bez PDV-a.

Za provođenje postupka predmetne nabavke, imenovana je Komisija za javnu nabavku rješenjem Dekana o imenovanju broj: 01-2-227/25 od 05.02.2025. godine i Odlukom Dekana o formiranju komisije broj: 04-1-8-38-3/25 od 21.10.2025.

godine, koja je provela proceduru javne nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda (broj 04-1-8-38-11/25 od 12.11.2025. godine) koje su blagovremeno, do utvrđenog dana, dostavljene od strane ponuđača na adresu Ugovornog organa i Dodatak zapisniku o pregledu i ocjeni ponuda (broj: 04-1-8-38-14/25 od 21.11.2025. godine).

Tenderska dokumentacija učinjena je dostupnim svim zainteresovanim ponuđačima na Portalu javnih nabavki BiH, uz Obavještenje o nabavci broj: 29334-1-3-29-3-45/25 od 22.10.2025. godine. Krajnji rok za dostavljanje ponuda bio je 12.11.2025. godine do 10:00 sati. Javno otvaranje pristiglih ponuda je zakazano za 12.11.2025. godine s početkom u 10:30 sati.

Iz Zapisnika o otvaranju ponuda broj: 04-1-8-38-10/25 od 12.11.2025. godine vidljivo je da je Komisija za javne nabavke dana 12.11.2025. godine sa početkom u 10:30 sati, po redoslijedu zaprimanja izvršila javno otvaranje blagovremeno prispjelih ponuda sljedećih ponuđača:

R. br.	Naziv/ime ponuđača	Blagovremene ponude	Broj prijemnog protokola	Datum i vrijeme pristigle ponude
1.	„Sarajevoputevi“ d.d. Sarajevo	DA	04-1-8-38-7/25	11.11.2025. godine u 13:22 sati
2.	„GP Ing“ d.o.o. Sarajevo	DA	04-1-8-38-8/25	12.11.2025. godine u 08:35 sati

Na javnom otvaranju ponuda nisu bili prisutni predstavnici ponuđača. Zapisnik o otvaranju ponuda je 12.11.2025. godine proslijeđen putem mail-a svim ponuđačima koji su blagovremeno dostavili ponude.

Komisija za nabavku je u Zapisniku o otvaranju ponuda sačinila pregled ponuda primljenih u roku po redoslijedu zaprimanja:

Redni br. na rang listi	Naziv i sjedište ponuđača	Ponudeni popust	Ukupna cijena ponude
1.	„Sarajevoputevi“ d.d. Sarajevo Mustajbega Fadilpašića br. 17, 71000 Sarajevo	0	Cijena ponude bez PDV-a = 42.294,76 KM Ukupna cijena ponude sa uračunatim popustom bez PDV-a = 42.294,76 KM PDV na cijenu ponude= 7.190,11 KM Ukupna cijena za ugovor: 49.484,87 KM sa PDV-om
2.	„GP Ing“ d.o.o. Sarajevo Hifzi Bjelevca br. 5, 71210 Ilidža	0	Cijena ponude bez PDV-a = 43.900,00 KM Ukupna cijena ponude sa uračunatim popustom bez PDV-a = 43.900,00 KM PDV na cijenu ponude= 7.463,00 KM Ukupna cijena za ugovor: 51.363,00 KM sa PDV-om

Komisija za javne nabavke sastala se 12.11.2025. godine sa početkom u 11:00 sati, radi pregleda i ocjene ponuda, odnosno da bi utvrdila da li su ponuđači ispunili uslove za kvalifikaciju, a koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije.

Komisija za nabavke je utvrdila da sve ponude ispunjavaju zahtijevane tehničke i funkcionalne zahtjeve propisane Tenderskom dokumentacijom.

Iz Zapisnika o pregledu i ocjeni ponuda je vidljivo da je za predmetnu nabavku, kao što je i navedeno u tenderskoj dokumentaciji i Obavještenju o nabavci predviđeno provođenje E-aukcije za kvalifikovane ponuđače.

S obzirom da su pristigle dvije prihvatljive ponude e-aukcija je zakazana za 17.11.2025. godine s početkom u 09:00 sati. Komisija za javne nabavke je u Dodatku zapisniku o pregledu i ocjeni ponuda sačinila početnu rang listu ponuđača koji su pozvani da učestvuju u E-aukciji:

R. br.	Naziv/ime ponuđača	IDB/JIB	Početna cijena u KM bez PDV-a	Rang
1.	SARAJEVOPUTEVI DD SARAJEVO	4200492780000	42.294,76	1
2.	"GP ING" D.O.O. SARAJEVO	4201911800004	43.900,00	2

Obzirom da su tokom zakazane e-aukcije 17.11.2025. godine u 09:00h evidentirani tehnički problemi, koji su utvrđeni od strane Agencije za Javne Nabavke BiH, Agencija za javne nabavke BiH ponovo je zakazala termin održavanja e-Aukcije za 20.11.2025. godine u 14:15h.

Iz Izvještaja o toku i završetku e-aukcije vidljivo je da je e-aukcija kvalifikovanih ponuđača započela dana 20.11.2025. godine u 14:15 sati i ista okončana navedenog dana u 17:49 sati. Konačna rang lista ponuđača po završetku e-aukcije je:

R. br.	Naziv/ime ponuđača	IDB/JIB	Konačna cijena u KM bez PDV-a	Umanjenje cijene	Rang
1.	"GP ING" D.O.O. SARAJEVO	4201911800004	37.754,00	14%	1
2.	SARAJEVOPUTEVI DD SARAJEVO	4200492780000	38.113,00	9,89%	2

Nakon e-aukcije, Komisija za nabavke je na osnovu Izvještaja o toku i završetku e-aukcije u Dodatku zapisniku o pregledu i ocjeni ponuda konstatovala da je najpovoljniji ponuđač "GP ING" D.O.O. SARAJEVO, čija konačna cijena ponude iznosi 37.754,00 KM bez PDV-a, odnosno 44.172,18 KM s PDV-om.

Shodno navedenom, Komisija za nabavke je prema utvrđenom kriteriju najniže cijene tehnički zadovoljavajuće ponude dala preporuku Dekanu Univerziteta u Sarajevu – Građevinski fakultet da se u predmetu nabavke Radovi na asfaltiranju površine ispred Instituta za geotehniku i geološko inženjerstvo, donese odluka o dodjeli ugovora ponuđaču "GP ING" D.O.O. Sarajevo, čija cijena ponude iznosi 37.754,00 KM bez PDV-a, odnosno 44.172,18 KM s PDV-om na osnovu ponude ponuđača evidentirane kod ugovornog organa pod brojem: 04-1-8-38-8/25 od 12.11.2025. godine i Izvještaja o e-aukciji broj: 04-1-8-38-13/25 od 20.11.2025. godine.

Uzimajući u obzir naprijed navedeno, primjenom člana 64. stava (1) tačka b) Zakona o javnim nabavkama, prihvaćena je preporuka Komisije za nabavku i odlučeno je kao u dispozitivu ove Odluke.

PRAVNA POUKA:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Prilog:

- Zapisnik o pregledu i ocjeni ponuda broj: 04-1-8-38-11/25 od 12.11.2025. godine
- Izvještaj o e-aukciji broj: 04-1-8-38-13/25 od 20.11.2025. godine
- Dodatak zapisniku o pregledu i ocjeni ponuda broj: 04-1-8-38-14/25 od 21.11.2025. godine

Akt obradio: prof. dr Emina Hajdo, dipl. ing. građ.

Akt kontrolisala: Sabina Bajrić, dipl. prav.

Akt odobrio: prodekan za finansije, prof. dr Anis Balić, dipl. ing. građ.

Prof. dr Samir Dolarević, dipl. ing. građ.

Sekretar Univerziteta u Sarajevu – Građevinski fakultet potvrđuje da je Odluka usklađena sa odredbama Zakona o visokom obrazovanju („Sl. novine Kantona Sarajevo“, broj 36/22) i odredbama Statuta Univerziteta u Sarajevu (br.01-14-

35-1/23 od 26.07.2023.godine), te da je dekan Univerziteta u Sarajevu – Građevinski fakultet nadležan za donošenje iste shodno članu 71 Zakona o visokom obrazovanju („Službene novine Kantona Sarajevo“, broj 36/22) i člana 115 Statuta Univerziteta u Sarajevu (br. 01-14-35-1/23 od 26.07.2023. godine).

Sabina Bajrić, dipl. prav.

Prodekan za finansije

Prof. dr Anis Balić, dipl. ing. građ.

Dostaviti:

1. Učesnici u postupku
2. Dosije nabavki
3. Web stranica ugovornog organa
4. Služba za računovodstvo i finansije
5. Arhiva